

Projekti obnove i izgradnje komunalne i socijalne infrastrukture u 2012. i 2013. godini

Odlukom Komisije za izbjeglice i raseljena lica BiH broj: K-8-3-3453/13 od 19.09.2013. godine izvršen je izbor prioriternih područja i opština u kojima će se implementirati projekti obnove i izgradnje komunalne i socijalne infrastrukture. Odlukom o izboru prioriternih projekata obnove komunalne i socijalne infrastrukture na prostorima gdje žive raseljene osobe i povratnici broj: K-10-1-50-4752/14 od 15.01.2014. godine, sredstva u iznosu od 2.300.000 KM raspoređena su na projekte saniranja putne infrastrukture, socijalne infrastrukture i projekte vodosnadbjevanja i kanalizacije.

Odlukom Komisije o preusmjeravanju i rasporedu neutrošenih sredstava iz zajedničkih projekata iz 2008., 2009. i 2010. godine broj: K-12-06-41-1369/14-1 od 06.05.2014. godine odobreno je dodatnih 528.000 KM za ovaj projekat, čime je ukupno odobreno 2.828.000 KM.

Za implementaciju projekata obnove putne infrastrukture i projekata vodosnadbjevanja i kanalizacije zadužene su izabrane opštine i gradovi. Finansijska realizacija projekata vjerske infrastrukture, kao i projekata socijalne infrastrukture koji su kandidovani od strane nevladinih organizacija, vrši se zaključivanjem sporazuma o sufinansiranju sa vjerskim zajednicama, odnosno nevladinim organizacijama, kao implementatorima projekta.